

學山錄三行事不擇日

邵伯溫聞見錄載、康節出行不擇日、或告之以不利則不行、蓋曰、人未言則不知、既言則有知而必行、鬼神知也、按、皇極經世書曰、凡人之善惡形于言發于行、人始得而知之、但崩諸心發于慮、鬼神已得而知之矣、又曰、思慮一崩、鬼神得而知之矣、亦是此意也、朱子亦稱、康節語云、思慮未起、鬼神莫知、不由乎我、更由乎誰、妙哉鬼神之德也、又王充論衡云、凡人在世、不能不作事、作事之後、不能不有吉凶、見吉則指以爲前時擇日之福、見凶則判以爲往者觸忌之禍多或擇日而得禍、觸忌而獲福、聖人舉事先定於義、義已定立訣以卜筮示不專己明與鬼神同意共指亦說得的確矣、

〔通俗編二十一〕擇日 論衡辨祟篇、起功移徙、祭祀、喪葬、行作、入官嫁娶、不擇吉日、不避歲月、觸鬼逢神則發病生禍、又譏日篇引沐書及裁衣書語云、沐與洗足盥手浴去身垢等也、洗盥浴不擇日、而沐獨有日何也、在身之物、莫重于冠、造冠無禁、裁衣有忌何也、按、起功以下七事、日者之大凡具矣、沐則今兼言浴、裁衣之外、今更有冠帶日、其因王氏之譏而踵增之歟、

〔日本書紀一神代〕一書曰、○時天神以太占而卜合之、乃教曰、婦人之辭、其已先揚乎、宜更還去、乃卜定時日而降之、

〔日本書紀九神功〕九年○仲衰 三月壬申朔、皇后選吉日入齋宮、親爲神主、九月己卯、爰卜吉日、而臨發有日、

〔日本書紀十二履中〕八十七年○仁正月、皇太子自諒闢出之、未卽尊位之間、以羽田矢代宿禰之女黑媛、欲爲妃、納采旣訖、遣住吉仲皇子、而告吉日、

〔日本書紀十三恭〕六〇六一年正反、正月、瑞齒別天皇崩、爰群卿議之曰、方今大鷦鷯天皇之子、雄朝津間稚子宿禰皇子、與大草香皇子、然雄朝津間稚子宿禰皇子、長之仁孝、卽選吉日、晚上天皇之靈、〔日本書紀十九欽明〕三十二年三月、是月高麗獻物并表、未得呈奏、經歷數旬、占待良日、